

ZAKON O SUDSKIM PRISTOJBAMA

DIO PRVI. OPĆE ODREDBE

Članak 1. (predmet)

(1) Ovim Zakonom reguliraju se pitanja u vezi sa sudskim pristojbama i utvrđuje postupak i način plaćanja sudskih pristojbi, kao i druga pitanja u vezi s tim, u postupcima pred Kantonalnim sudom u Odžaku i općinskim sudom u Orašju.

(2) Postupci u kojima se plaća sudska pristojba i visina sudske pristojbe za pojedine radnje, utvrđeni su u Tarifi sudskih pristojbi, koja se nalazi u prilogu ovog Zakona i čini njegov sastavni dio.

Članak 2. (obveznik plaćanja pristojbe)

(1) Pristojbe propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim Zakonom utvrđeno plaćanje pristojbe (u daljem tekstu: pristojbeni obveznik).

(2) Za podneske i zapisnike koji zamjenjuju podneske pristojbu je dužno da plati lice koje podnosi podneske i lice na čiji zahtjev se sastavlja zapisnik, odnosno lice u čijem interesu se poduzimaju radnje.

(3) Za odluku prvostupanjskog suda pristojbu je dužan da plati tužitelj, odnosno predlagatelj, a za sudsku nagodbu pristojbu su dužne da plate obje strane, ukoliko u nagodbi nije drugačije ugovoreno.

(4) Za odluku drugostupanjskog suda i za odluku po vanrednom pravnom sredstvu, pristojbu je dužan da plati podnositelj žalbe, odnosno lice u čijem interesu je pokrenut postupak po vanrednom pravnom sredstvu.

(5) Kada su u skladu sa odredbama ovog Zakona pristojbu dužna da plate dva ili više lica zajedno, njihova obveza je solidarna.

Članak 3.

(obvezno dostavljanje dokaza o plaćenju pristojbi)

(1) Uz podnesak (tužba, prijedlog, pravni lijek i dr.) obvezno se dostavlja dokaz o plaćenju pristojbi.

(2) Ukoliko stranka smatra da ispunjava zakonom propisane uvjete da bude oslobođena plaćanja pristojbe, mora uz podnesak podnijeti i zahtjev za oslobođanje od plaćanja pristojbe.

(3) U vlasničkim sporovima o nekretninama, uz podnesak se obvezno prilaže i dokaz o utvrđenoj vrijednosti nekretnine.

Članak 4.

(uzajamnost plaćanja pristojbe i poduzimanja radnji u postupku)

(1) Sud neće preduzimati nikakve radnje ako pristojbeni obveznik nije platio pristojbu propisanu ovim Zakonom. U slučaju podnošenja podneska bez dokaza o plaćenju pristojbi, sud će pozvati stranku, odnosno njenog punomoćnika, da se uplati pristojba u roku od 8 dana, uz upozorenje da će joj podnesak biti vraćen. Ako stranka ne ispoštuje određeni rok, sud će podnesak vratiti uz obavijest da je vraćen zbog neplaćanja sudske pristojbe.

(2) Rokovi po Zakonu o parničnom postupku ne počinju teći dok pristojba nije plaćena ili dok sud nije riješio zahtjev za oslobađanje od plaćanja pristojbe

(3) Iznimno od stavka (1) ovog članka, ukoliko pristojbeni obveznik ne postupi po pozivu suda i u ostavljenom roku ne uplati pristojbu na uloženi redovni ili vanredni pravni lijek, podnesak neće biti vraćen, već će se nastaviti postupak po uloženom pravnom lijeku, a prinudnoj naplati sudske pristojbe pristupit će se u skladu sa odredbama ovog Zakona.

Članak 5.

(vrijeme nastanka obveze plaćanja pristojbe)

Ako ovim zakonom nije drugačije propisano, pristojbena obaveza nastaje:

a) za sudske odluke - danom donošenja sudske odluke, a ukoliko jedna od stranaka nije prisustvovala glavnoj raspravi, od dana dostavljanja pismene obavijesti o datumu donošenja odluke, odnosno danom dostavljanja odluke ako se dostava vrši u skladu sa zakonskim odredbama o dostavi;

b) za sudske nagodbe - kada se zaključuje;

c) za paušalnu pristojbu u postupku raspravljanja zaostavštine - danom donošenja rješenja o nasljeđivanju;

d) u postupku stečaja - danom donošenja rješenja o glavnoj diobi u postupku stečaja

e) u postupku likvidacije - danom donošenja rješenja o zaključenju likvidacionog postupka,

f) za sudske prijepise - kada se zatraže od suda;

g) za ostale radnje - kada se zatraži njihovo poduzimanje.

Članak 6.

(izuzeci od obveze plaćanja pristojbe)

(1) Iznimno od obveze iz članka 3. ovog zakona, za podneske i odluke u upravnim sporovima u stvarima mirovinskog, invalidskog i zdravstvenog osiguranja, dječjeg dodatka, starateljstva i socijalne pomoći, pristojba se plaća samo ako tužba bude odbijena ili odbačena.

(2) Pristojbena obveza iz stavka (1) ovog članka nastaje danom donošenja odluke.

Članak 7.

(način plaćanja pristojbe)

Pristojbe predviđene Pristojbenom tarifom su prihod Proračuna Županije i plaćaju se u gotovom novcu uplatom na propisani račun javnih prihoda.

Članak 8.

(rok zastare naplate pristojbe)

Pravo na naplatu pristojbe zastarijeva u roku od pet (5) godina od dana nastanka pristojbene obaveze.

DIO DRUGI. OSLOBAĐANJE OD PLAĆANJA PRISTOJBE

Članak 9.

(oslobođeni od obveze plaćanja pristojbe)

(1) Od plaćanja pristojbe oslobođeni su:

- a) država Bosna i Hercegovina i njeni organi,
- b) entiteti i njihovi organi,
- c) Brčko Distrikt Bosne i Hercegovine,
- d) županije i njihovi organi,
- e) jedinice lokalne samouprave,
- f) ustanove za socijalni rad,
- g) izdržavana lica u postupcima utvrđivanja i ostvarivanja prava po osnovu zakonskog izdržavanja,
- h) lica u sporu u vezi sa ostvarivanjem njegovih prava iz radnog odnosa.

(2) Pristojbe za podneske i radnje ne plaća lica koje poklanja svoju imovinu organima iz stavka (1) ovog članka, socijalno-humanitarnim, naučnim ili kulturnim organizacijama, ustanovama ili fondacijama.

(3) Strano fizičko i pravno lice je oslobođeno plaćanja pristojbe ako je to predviđeno međunarodnim ugovorom ili pod uvjetom reciprociteta. U slučaju sumnje o postojanju reciprociteta, prethodno se pribavlja mišljenje Ministarstva pravde Bosne i Hercegovine.

Članak 10.

(kada se po zakonu ne plaća sudska pristojba)

(1) U zemljišno-knjižnim postupcima ne plaća se pristojba za:

- a) upis opravdanja predbilježbe,
- b) službene radnje u postupku uređenja, zasnivanja i ispravljanja zemljišnih knjiga, osim ako je greška nastala krivicom titulara prava, u postupku usklađivanja zemljišnih knjiga sa faktičkim stanjem, kao i u postupku za obnavljanje uništenih zemljišnih knjiga, ukoliko se vjerodostojnom ispravom utvrdi da je upis bio prije proveden,
- c) upis sprovođenja odluke o diobi prava vlasništva ili prava služnosti korištenja, ako su učesnici diobe bili upisani kao suvlasnici tih prava,
- d) za zabilježbu privremene uprave određene u toku postupka prinudne javne prodaje, kao i za zabilježbu prinudne uprave određene umjesto prinudne javne prodaje,
- e) naknadni upis supružnika kao suvlasnika na osnovu sudske odluke, ako je jedan od supružnika upisan kao vlasnik u zemljišnim knjigama, kao i za upis kojim se označava idealni dio svakog supružnika na nekretninama koje su u njihovom suvlasništvu,

f) upis u zemljišne knjige prava konstituiranih zakonom u korist građana,

g) sve ostale radnje koje se poduzimaju po službenoj dužnosti.

(2) Pristojbu za upis u zemljišno-knjižnim postupcima dužno je platiti lice u čiju se korist vrši upis. Ako upis traži lice čije se pravo ograničava, opterećuje, ukida ili prenosi na drugo lice, to lice također solidarno jamči za plaćanje pristojbe sa licima u čiju se korist vrši upis.

(3) Pristojba za upis u zemljišno-knjižnim postupcima plaća se i kad se upis vrši po službenoj dužnosti, ako se ne radi o upisu koji je oslobođen od pristojbe.

(4) Ako se u zemljišno-knjižnim postupcima, na osnovu jednog zahtjeva, upisuje više prava u korist jednog lica, pristojba se plaća onoliko puta koliko se upisa traži.

(5) Pristojba za upis u zemljišno-knjižnim postupcima plaća se i kad se upis vrši u toku parničnog, vanparničnog ili izvršnog postupka.

(6) Za davanje usmenih informacija i obavještenja u zemljišno-knjižnim postupcima se ne naplaćuje ni sudska pristojba ni dodatni troškovi. (7) U postupku stečaja i likvidacije pristojba se ne plaća za:

- a) podneske stečajnog ili likvidacionog upravnika,
- b) podneske kojima se prijavljuje upis stečajnog ili likvidacionog postupka, ili upis u sudski registar koji se vrši po službenoj dužnosti.

(8) Za upis odluke o otvaranju stečajnog postupka, odluke o pokretanju postupka likvidacije, kao i odluke o zabrani obavljanja određene djelatnosti, odnosno poslova pravnog lica, ne plaća se pristojba.

Članak 11.

(oslobađanje od obveze plaćanja pristojbe)

(1) Sud može osloboditi obveznika od plaćanja pristojbe ako bi plaćanjem pristojbe, imajući u vidu visinu sredstava iz kojih se obveznik i članovi njegove obitelji izdržavaju, ta sredstva bila u tolikoj mjeri umanjena da bi time bila ugrožena njihova egzistencija.

(2) Odluku iz stavka (1) ovog članka donosi sud na pismeni zahtjev pristojbenog obveznika. Prije donošenja odluke, sud će cijeliti sve okolnosti, a naročito će uzeti u obzir vrijednost mjerodavnu za naplatu pristojbe, ukupan prihod i imovinu pristojbenog obveznika i članova njegove obitelji, koje pristojbeni obveznik uzdržava.

(3) Pod obitelji u smislu odredaba ovog Zakona se podrazumijeva obitelj kako je to definirano člankom 2.(1) Obiteljskog zakona Federacije Bosne i Hercegovine («Službene novine Federacije BiH», broj 35/05).

Članak 12.

(dokazi za oslobađanje od obveze za plaćanje pristojbe)

(1) Visina prihoda pristojbenog obveznika i članova njegove obitelji, dokazuje se na temelju uvjerenja nadležnog organa uprave, odnosno drugih pismenih dokaza koje je pristojbeni obveznik dužan da podnese o svom imovnom stanju.

(2) Uvjerenje iz stavka (1) ovog članka služi kao dokaz za oslobađanje od plaćanja pristojbe samo ako od njegovog izdavanja do podnošenja zahtjeva za oslobađanje nije proteklo više od mjesec dana.

(3) Kada je to potrebno, sud može, po službenoj dužnosti, pribaviti potrebne podatke i obavještenja o imovnom stanju pristojbenog obveznika i članova njegove obitelji, a može o tome saslušati i protivnu stranku.

(4) Protiv odluke suda u vezi sa zahtjevom za oslobađanje od plaćanja pristojbe nije dozvoljena posebna žalba.

Članak 13.

(rješenje o oslobađanju od obveze plaćanja pristojbe)

(1) Rješenje o oslobađanju od obveze plaćanja pristojbe odnosi se na sve pristojbe po odgovarajućem predmetu, bez obzira kada je nastala pristojbena obveza.

(2) Sud može u toku postupka ukinuti rješenje o oslobađanju od plaćanja pristojbe ako utvrdi da je pristojbeni obveznik u stanju da plati pristojbu, a tom prilikom će odlučiti da li će pristojbeni obveznik u potpunosti ili djelomično platiti pristojbu od koje je bio ranije oslobođen.

Članak 14.

(važnje oslobađanja od obaveze plaćanja pristojbe)

(1) Oslobađanje od obaveze plaćanja pristojbe dato u parničnom i vanparničnom postupku, kao i u postupku u upravnim sporovima važi i u postupku izvršenja odluka donijetih u tim postupcima, ako se izvršenje zahtjeva u roku od tri mjeseca po pravosnažnom okončanju postupka.

(2) Oslobađanje od obveze plaćanja pristojbe u vanparničnom i izvršnom postupku važi i u parničnom postupku koji nastane u toku i povodom vanparničnog i izvršnog postupka.

Članak 15.

(lica koja nisu dužna plaćati pristojbu za drugog)

(1) Staratelj lica čije je boravište nepoznato, staratelj imovine čiji je vlasnik nepoznat, kao i privremeni zastupnik stranke koga sud postavi u postupku, nisu dužni da plaćaju pristojbe za lica koje zastupaju.

(2) Naplata pristojbe u slučajevima iz stavka (1) ovog članka vrši se iz imovine lica koja se zastupaju.

(3) Neplaćenu pristojbu u slučajevima iz stavka (1) ovog članka sud će unositi u popis pristojbi i po završetku postupka postupiti će u skladu sa odredbama člana 31. ovog Zakona.

Članak 16.

(lica na koje se odnosi oslobađanje od

obveze plaćanja pristojbe)

(1) Oslobađanje od obveze plaćanja pristojbe odnosi se samo na lice kome je to oslobađanje priznato.

(2) Kada više lica zajednički predaju podnesak ili zajedno poduzmu radnju u postupku, a jedno ili više njih je oslobođeno od obaveze plaćanja pristojbe, lice koje nije oslobođeno dužno je da plati pristojbu kao da nema oslobođenih od obveze plaćanja pristojbe.

Članak 17.

(uspjeh u postupku i obveza plaćanja pristojbe)

(1) Ako u parničnom i izvršnom postupku lice oslobođeno od obveze plaćanja pristojbe uspije u postupku, pristojbu koju bi ono bilo dužno da plati da nije bilo oslobođeno, platit će stranka koja ne uživa oslobađanje i to u srazmjeri u kojoj je oslobođena stranka uspjela u postupku.

(2) Ako se između stranke oslobođene od obveze plaćanja pristojbe i stranke koja nije oslobođena zaključi sudska nagodba, pristojbu koju bi trebalo da plati oslobođena stranka platit će stranka koja nije oslobođena, osim ako se stranke drugačije ne dogovore.

Članak 18.

(popis pristojbe za plaćanje)

(1) Kada u postupku pred sudom učestvuju na jednoj strani lice koje je oslobođeno od obveze plaćanja pristojbe, a na drugoj lice koje nije oslobođeno, sud je dužan da vodi i popis pristojbe koju bi trebalo da plati oslobođeno lice.

(2) Popis pristojbe se zaključuje po završetku postupka. Ako se postupak završi na način predviđen člankom 17. ovog Zakona sud će postupiti u skladu sa odredbama članka 31. ovog Zakona.

Članak 19.

(obračun i kontrola plaćanja pristojbe)

(1) Iznos pristojbe, koju je pristojbeni obveznik dužan da plati, obračunava službeno lice koje preduzima radnju u postupku. O visini pristojbe, odnosno o obavezi plaćanja pristojbe, sud donosi rješenje protiv koga je dozvoljena žalba u roku od 8 dana po prijemu rješenja. Izjavljena žalba ne odlaže izvršenje rješenja.

(2) Kontrolu naplate pristojbe vrši službeno lice koje preduzima radnju u postupku.

DIO TREĆI. UTVRĐIVANJE VRIJEDNOSTI PREDMETA SPORA RADI NAPLATE PRISTOJBE

Članak 20.

(utvrđivanje vrijednosti predmeta spora u parničnom postupku)

(1) U parničnom postupku pristojba se plaća prema vrijednosti predmeta spora.

(2) Ako ovim zakonom nije drugačije određeno, odredbe propisa o parničnom postupku, na temelju kojih se utvrđuje vrijednost spora, primjenjuju se i prilikom određivanja vrijednosti spora radi naplate pristojbe.

Članak 21.

(utvrđivanje vrijednosti predmeta spora kod više tuženih)

Ako tužitelj jednom tužbom obuhvati dva ili više tuženih i traži da tužbeni zahtjev bude usvojen prema sljedećem tuženom, u slučaju da bude pravosnažno odbijen prema onome koji je u tužbi naveden prije njega, ili ako prema svakom od njih ističe isti zahtjev, ili ako prema pojedinim od njih ističe različite zahtjeve koji su u međusobnoj vezi, vrijednost predmeta spora radi naplate pristojbe određuje se prema zahtjevu čija je vrijednost najveća.

Članak 22.

(utvrđivanje vrijednosti predmeta spora u sporovima u vezi sa zakonskim uzdržavanjem)

Ako je predmet spora pravo na zakonsko uzdržavanje ili potraživanje pojedinih iznosa zakonskog uzdržavanja, vrijednost predmeta spora radi naplate pristojbe računa se prema zbiru davanja za tri mjeseca, ako se uzdržavanje ne traži za kraće vrijeme.

Članak 23.

(utvrđivanje vrijednosti predmeta spora u sporovima iz nasljednog prava)

Ako je predmet spora nasljedno pravo na cijelost zaostavštini, kao vrijednost predmeta spora uzima se vrijednost čiste zaostavštine, a ako je predmet spora samo jedan dio zaostavštine ili određena stvar iz zaostavštine, kao vrijednost predmeta spora uzima se čista vrijednost tog dijela, odnosno stvari.

Članak 24.

(utvrđivanje vrijednosti predmeta spora u vlasničko-pravnim sporovima)

Vrijednost predmeta spora u vlasničko-pravnim sporovima o nepokretnostima, određuje se prema prometnoj vrijednosti nepokretnosti koja je predmet spora, a koju na zahtjev pristojbenog obveznika utvrđuje komisija koju imenuje općinsko vijeće u općini na čijoj se teritoriji nepokretnost nalazi.

Članak 25.

(što se uzima kao vrijednost predmeta spora radi naplate pristojbe)

(1) Kao vrijednost predmeta spora radi naplate pristojbe uzima se:

a) u diobnim parnicama – vrijednost dijela imovine koja se izdvaja iz zajedničke imovine koja je predmet diobe;

b) u parnicama u kojima je predmet spora izvršenje kakve radnje ili trpljenje ili ne činjenje ili izjava volje ili utvrđenje da postoji ili ne postoji neko pravo ili pravni odnos ili da se utvrdi istinitost ili neistinitost kakve isprave – iznos koji je tužitelj označio u tužbi s tim da taj iznos ne može biti manji od 500,00 KM;

c) u parnicama za proglašenje prestanka važnosti ugovora o arbitraži – iznos od 500,00 KM;

d) u sporovima o stvarnim i ličnim služnostima i o dosmrtnom uzdržavanju – iznos od 500,00 KM;

e) u sporovima o utvrđivanju reda prvenstva potraživanja u izvršnom postupku – visina potraživanja, a najviše 1.000,00 KM.

Članak 26.

(najniži iznos predmeta vrijednosti spora)

Ako se po odredbama članaka 20. do 26. ovog Zakona ne može utvrditi vrijednost predmeta spora, kao vrijednost se uzima iznos od 500,00 KM.

Članak 27.

(utvrđivanje vrijednosti predmeta spora u izvršnom postupku)

(1) U izvršnom postupku plaća se pristojba prema vrijednosti zahtjeva koji treba izvršiti.

(2) Pri utvrđivanju vrijednosti zahtjeva u izvršnom postupku za naplatu pristojbe shodno se primjenjuju odredbe članka 20. do 26. ovog Zakona.

Članak 28.

(utvrđivanje vrijednosti predmeta spora u upravnim sporovima)

(1) U upravnim sporovima plaća se pristojba prema vrijednosti predmeta spora, ako je predmet spora procjenjiv.

(2) Vrijednost procjenjivog spora utvrđuje se shodno odredbama članka 20. do 26. ovog Zakona.

(3) Ako predmet spora nije procjenjiv, plaća se pristojba kao u tarifnom broju 23 Tarife sudskih pristojbi.

Članak 29.

(utvrđivanje vrijednosti predmeta spora u ostalim postupcima)

Kada je u vanparničnom postupku, u zemljišno-knjižnom postupku, u stečajnom postupku i postupku likvidacije za plaćanje pristojbe mjerodavna vrijednost zahtjeva, za njeno utvrđenje će se shodno primjenjivati odredbe članka 20. do 26. ovog Zakona, ako u Tarife sudskih pristojbi nije drugačije određeno.

Članak 30.

(promjena vrijednosti predmeta spora u toku postupka)

(1) Prvobitno utvrđena vrijednost predmeta spora ostaje kao osnov za plaćanje pristojbe, bez obzira da li se ta vrijednost promijenila u toku postupka.

(2) Ako se pravnim lijekom, odnosno prigovorom protiv rješenja o izvršenju, odluka pobija samo u jednom dijelu, za plaćanje pristojbe za pravni lijek, odnosno prigovor uzima se vrijednost samo pobijanog dijela.

(3) Ako pravni lijek ulažu obje stranke, pristojba za pravni lijek određuje se posebno za svaku stranku prema vrijednosti onog dijela odluke koji se pravnim lijekom pobija.

(4) U statusnim sporovima, u sporovima za utvrđivanje i u sporovima u kojima se tužbeni zahtjev ne odnosi na novčani iznos, za plaćanje pristojbe za pravni lijek, mjerodavna je vrijednost prema kojoj je plaćena pristojba za tužbu.

(5) Za pravni lijek koji se ulaže samo protiv odluke o troškovima postupka ili odluke o sporednim potraživanjima, pristojba se plaća samo prema iznosu troškova postupka ili iznosu sporednih potraživanja.

DIO ČETVRTI. POSTUPAK ZA NAPLATU NEPLAĆENE PRISTOJBE

Članak 31.

(prinudna naplata neplaćene pristojbe)

(1) Pristojbe čiji se iznos određuje na kraju postupka, pristojbeni obveznik je dužan platiti u roku od 8 dana od prijema rješenja iz članka 19. ovog Zakona. Ako pristojbeni obveznik ne plati pristojbu u navedenom roku, sud će zatražiti od nadležnog poreznog organa na čijoj teritoriji se nalazi prebivalište, odnosno sjedište pristojbenog obveznika da se naplata dužne pristojbe izvrši prinudnim putem.

(2) Po prijemu rješenja i zahtjeva suda u smislu stavka (1) ovog članka nadležni porezni organ će izdati nalog za plaćanje u skladu sa odredbama članka 41. i 42 Zakona o poreznoj upravi Federacije Bosne i Hercegovine («Službene novine Federacije BiH», broj 33/02 i 28/04), kojim će se naložiti pristojbenom obvezniku da u određenom roku plati dugovanu pristojbu, kao i iznos od 50% visine te pristojbe na ime kaznene pristojbe. Ako pristojbena obveza ostane neplaćena u roku određenom u nalogu za plaćanje, pristupit će se provođenju procedure prinudne naplate prema odredbama poglavlja XI istog Zakona.

(3) Nadležni porezni organ će obavijestiti sud o rezultatima naplate sudske pristojbe izvršene prinudnim putem dostavom dokaza o naplati pristojbe.

DIO PETI. POVRAT PRISTOJBE

Članak 32.

(pravo na povrat plaćene pristojbe)

(1) Lice koje je platilo pristojbu koju uopće nije bila dužno da plati ili je platilo pristojbu u iznosu većem od propisanog, kao i lice koje je platilo pristojbu za

sudsku radnju, a ta radnja iz bilo kog razloga nije izvršena, ima pravo na povrat pristojbe.

(2) Postupak za povrat pristojbe pokreće se na zahtjev lica iz stavka (1).

Članak 33.

(rok za podnošenje zahtjeva za povrat plaćene pristojbe)

Zahtjev za povrat pristojbe se podnosi sudu u roku od 30 dana od dana kada je pristojba plaćena, odnosno od dana saznanja da sudska radnja nije izvršena, a najkasnije u roku od godinu dana od dana kada je pristojba plaćena.

Članak 34.

(zahtjev za povrat plaćene pristojbe u slučaju medijacije)

Ako se stranke, u toku postupka, a najkasnije do zaključenja glavne rasprave, sporazumiju da će pristupiti rješavanju spora u postupku medijacije i u postupku medijacije postignu sporazum, imaju pravo na povrat naplaćene pristojbe u punom iznosu.

Članak 35.

(rješenje o usvajanju zahtjeva za povrat plaćene pristojbe)

Ukoliko usvoji zahtjev za povrat pristojbe, sud će primjerak rješenja dostaviti i nadležnom ministarstvu, radi izvršenja povrata.

Članak 36.

(kada se ne plaća pristojba)

U postupku povrata pristojbe ne plaća se pristojba.

DIO ŠESTI. NADZOR NAD PRIMJENOM OVOG ZAKONA

Članak 37.

(nadležni organ za vršenje nadzora)

Nadzor nad provedbom odredaba ovog zakona vrši Ministarstvo financija Županije.

DIO SEDMI. PRIJELAZNE I ZAVRŠNE ODREDBE

Članak 38.

(plaćanje pristojbe u prelaznom razdoblju)

(1) Za podneske, radnje i isprave po kojima je pristojbena obveza nastala do dana stupanja na snagu ovog Zakona, a pristojba nije plaćena, pristojba će se

platiti u skladu sa propisima i tarifom koji su važili do njegovog stupanja na snagu.

(2) Ako je do stupanja na snagu ovog Zakona plaćena pristojba za radnju, koja će se izvršiti poslije njegovog stupanja na snagu, neće se plaćati nova pristojba po ovom Zakonu, niti će se vraćati naplaćena pristojba.

(3) Ako je pristojbeni obveznik oslobođen plaćanja pristojbe u postupku, koji do stupanja na snagu ovog Zakona nije okončan, dato oslobađanje važi i poslije stupanja na snagu ovog Zakona.

Članak 39.

(prestanak primjene ranijih propisa)

Danom stupanja na snagu ovog Zakona prestaje da važi Zakon o sudskim pristojbama (Narodne novine Županije Posavske broj:1/97,2/99).

Članak 40.

(stupanje na snagu)

Ovaj Zakon stupa na snagu osmog dana od dana objavljivanja u "Narodnim novinama Županije Posavske".

BOSNA I HERCEGOVINA
Federacija Bosne i Hercegovine
ŽUPANIJA POSAVSKA
Skupština
Broj: 01-02-23/09
Domaljevac,02.04.2009.godine

Predsjednik Skupštine
Zvonko Mišković, v.r.

TARIFA SUDSKIH PRISTOJBI

DIO PRVI. PARNIČNI I IZVRŠNI POSTUPAK

Tarifni broj 1.

(pristojba za podneske)

(1) Za tužbu, protutužbu, prijedlog za ponavljanje postupka, prijedlog da se prizna odluka stranog suda i odluka stranog arbitražnog suda, plaća se, prema vrijednosti predmeta spora, slijedeća pristojba:

- a) do 1.500,00 KM - 50,00 KM;
- b) preko 1.500,00 do 3.000,00 KM - 100,00 KM;
- c) preko 3.000,00 do 10.000,00 KM - 200,00 KM;

d) preko 10.000,00 do 50.000,00 KM

- 500,00 KM;

e) preko 50.000,00 do 100.000,00 KM

- 1.000,00 KM;

f) preko 100.000,00 KM

- 1% na označenu vrijednost spora, ali ne više od 10.000,00 KM;

(2) Za tužbu za utvrđivanje i osporavanje očinstva, plaća se pristojba u iznosu od 50,00 KM.

(3) Za tužbu kojom se traži razvod braka, poništenje braka, utvrđivanje postojanja i nepostojanja braka i utvrđivanje da je brak zaključen plaća se pristojba u iznosu od 200,00 KM.

(4) Za tužbu zbog smetanja posjeda plaća se pristojba u iznosu od 50,00 KM.

(5) Za tužbu zbog iseljenja plaća se pristojba u iznosu od 100,00 KM.

(6) Za tužbu zbog otkaza ugovora o zajmu ili zakupu stvari, za tužbu o otkazu ugovora o zakupu poslovnih prostorija plaća se pristojba u iznosu od 200,00 KM.

(7) Za prijedlog da se dozvoli izvršenje ili obezbjeđenje ili izda privremena mjera, za prijedlog za povrat u prijašnje stanje, za prijedlog za obezbjeđenje dokaza prije pokretanja parnice, za prijedlog za određivanje sudske mjere osiguranja, za odgovor na tužbu ili reviziju, plaća se polovina pristojbe propisana ovim tarifnim brojem.

(8) Za prijedlog kojim se daje otkaz ugovora o zakupu poslovnih prostorija, plaća se pristojba u iznosu od 100,00 KM.

(9) Za prijedlog da se prizna odluka inozemnog suda u statusnim stvarima plaća se pristojba u iznosu od 200,00 KM, a za žalbu protiv donesenog rješenja – 300,00 KM.

(10) Za žalbu ili reviziju protiv presude i za žalbu protiv rješenja u sporovima zbog smetanja posjeda, plaća se dvostruka pristojba propisana stavkom (1) ovog tarifnog broja.

(11) Za žalbu protiv rješenja kojim je odbijen prijedlog za povrat u prijašnje stanje plaća se polovina pristojbe prema vrijednosti predmeta spora iz stavka (1) ovog tarifnog broja, ali ne više od 200,00 KM.

(12) Za žalbu ili reviziju protiv ostalih rješenja plaća se pristojba propisana u stavku (1) ovog tarifnog broja.

(13) Za podnesak primljen na zapisnik kod suda, kao i za podnesak primljen na zapisnik u toku rasprave, plaća se pristojba za odnosni podnesak, propisana ovim tarifnim brojem.

(14) Ne plaća se posebna pristojba za prepisivanje iz tarifnog broja 27. ove Tarife, ako je zapisnik trebalo sastaviti u više primjeraka.

(15) Kad je u tužbi stavljen prijedlog za određivanje sudske mjere osiguranja ili kada se u žalbi stavi prijedlog za povrat u prijašnje stanje, plaća se,

pored pristojbe na tužbu, odnosno žalbu i pristojba na prijedlog propisana stavkom (7) ovog tarifnog broja.

(16) Za prijedlog da se dozvoli izvršenje ili obezbjeđenje ili da se odredi sudska mjera osiguranja, plaća se jedna pristojba i kad se predloži istovremeno ili naknadno više sredstava izvršenja, odnosno obezbjeđenja.

Tarifni broj 2.

(pristojba za odluke)

(1) Za presudu prvostepenog suda i rješenje o priznavanju odluke stranog suda ili odluke stranog arbitražnog suda, plaća se pristojba prema pristojbenoj osnovici, propisanoj tarifnim brojem 1. ove Tarife.

(2) Za presudu na temelju priznanja, presudu na temelju odricanja i presudu zbog propuštanja, donesenu najkasnije na pripremnom ročištu, odnosno na ročištu za glavnu raspravu, ako pripremno ročište nije održano, plaća se polovina pristojbe propisane tarifnim brojem 1. ove Tarife.

(3) Za rješenje o odbacivanju tužbe, koje se shodno Zakonu o parničnom postupku donosi prije ili u toku prvostepenog postupka, plaća se polovina pristojbe propisane tarifnim brojem 1. ove Tarife, ali ne više od 200,00 KM.

(4) Za rješenje o prijedlogu za dozvolu izvršenja ili obezbjeđenja, kao i za rješenje o određivanju sudske mjere osiguranja, odnosno naredbe, plaća se polovina pristojbe propisane tarifnim brojem 1. ove Tarife.

(5) Pristojba za konačnu odluku plaća se prema vrijednosti ostatka spornog predmeta koji nije obuhvaćen dopunskom presudom.

(6) Za presudu prvostepenog suda koja je donesena u vezi sa protutužbom plaća se pristojba kao da je o protutužbi posebno raspravljano.

(7) Ako je više parnica spojeno radi zajedničkog raspravljanja, pristojba za presudu plaća se posebno za svaku parnicu, kao da ne postoji spajanje više parnica.

(8) Za dopunsku presudu ili rješenje neće se plaćati pristojba ako je za odluku koja je dopunjena plaćena pristojba prema punoj vrijednosti spora. Također se neće plaćati pristojba za donošenje odluke kojom se vrši naknadna ispravka ranije donijete odluke.

(9) Za rješenje o izvršenju ili obezbjeđenju, plaća se jedna pristojba, bez obzira da li je odlučeno o više sredstava izvršenja, odnosno obezbjeđenja i bez obzira da li je odlučeno istovremeno ili naknadno.

Tarifni broj 3.

(pristojba za sudsku nagodbu)

Za sudsku nagodbu u toku prvostepenog postupka plaća se prema vrijednosti na koju su se stranke poravnale, polovina pristojbe propisane tarifnim brojem 1. ove Tarife.

DIO DRUGI. VANPARNIČNI POSTUPAK

Tarifni broj 4.

(opće odredbe)

(1) Za prijedlog kojim se pokreće postupak u vanparničnoj stvari, izuzev kada se radi o postupcima koji su predviđeni u tarifnim brojevima 8. do 12. ove Tarife, plaća se pristojba u iznosu od 60,00 KM.

(2) Za prijedlog i odluku za proglašenje nestalog lica u ratu umrlim i dokazivanje smrti lica u ratu, ne plaća se pristojba.

(3) Pristojba na nalog za iseljenje iz poslovnih prostorija uračunava se u pristojbu na odluku suda koja bude donesena povodom prigovora protiv naloga. Ako je pristojba na nalog veća od pristojbe koja je plaćena na odluku povodom prijedloga za izdavanje naloga za iseljenje iz poslovnih prostorija, u tom slučaju će se naplatiti razlika.

Tarifni broj 5.

(pristojba za odluku u vanparničnom postupku)

(1) Za odluku suda u vanparničnom postupku plaća se pristojba u iznosu od 100,00 KM.

(2) U svim vanparničnim postupcima primjenjivat će se shodno odredbe stava (8) iz tarifnog broja 2. ove Tarife.

Tarifni broj 6.

(pristojba za sudsku nagodbu u vanparničnom postupku)

Za sudsku nagodbu u svim vanparničnim postupcima plaća se pristojba u iznosu od 50,00 KM.

Tarifni broj 7.

(pristojba za žalbu u vanparničnom postupku)

Za žalbu protiv odluke prvostepenog suda u vanparničnom postupku, plaća se pristojba u iznosu od 100,00 KM.

Tarifni broj 8.

(pristojba za raspravljanje zaostavštine)

(1) Za raspravljanje zaostavštine plaća se pristojba prema vrijednosti čiste zaostavštine i to:

a) do 5.000,00 KM - 50,00 KM,

b) preko 5.000,00 KM do 20.000,00 KM - 100,00 KM,

c) preko 20.000,00 KM do 50.000,00 KM - 150,00 KM,

d) preko 50.000,00 KM do 100.000,00 KM - 200,00 KM,

e) preko 100.000,00 do 200.000,00 KM - 300,00 KM,

f) preko 200.000,00 do 500.000,00 KM - 500,00 KM,

g) preko 500.000,00 KM

- 500,00 KM + 1% na razliku iznad 500.000,00 KM ali ne više od 5.000,00 KM.

(2) Pristojba se plaća samo ako je postupak za raspravljanje zaostavštine završen donošenjem rješenja

o nasljeđivanju. Pristojba na rješenje o naknadno		KM
pronađenoj imovini plaća se prema vrijednosti		do
naknadno pronađene imovine, a u skladu sa stavkom (1)		100
ovog tarifnog broja.		.00
(3) Pristojbu plaćaju nasljednici u srazmjeri		0,0
nasljednih dijelova.		0
(4) Prilikom utvrđivanja čiste vrijednosti		KM
zaostavštine odbit će se ostaviočevi dugovi, troškovi		
sahrane ostavioca, legati i drugi tereti, troškovi popisa i		
procjene zaostavštine i drugi troškovi.		- 200,00 KM,
e)		pre
(5) Ne plaća se posebna pristojba za diobu		ko
nasljedstva ako nasljednici sporazumno predlože diobu		100
i sporazum o diobi bude unesen u rješenje o		.00
nasljeđivanju.		0,0
(6) Za zabilježbu prvenstvenog reda i uknjižbu		0
ustupanja prvenstva kao i za ostale zabilježbe vezane za		do
zaostavštinu plaća se pristojba propisana tarifnim		200
brojem 14. ove Tarife.		.00
Tarifni broj 9.		0,0
(pristojba za sastavljanje i čuvanje testamenta)		0
Pristojba u iznosu od 50,00 KM plaća se za:		KM
a) prijedlog za sastavljanje sudskog testamenta,		- 300,00 KM,
b) sastavljanje sudskog testamenta,		f)
c) prijedlog kojim se traži čuvanje testamenta u sudu,		pre
d) opoziv testamenta sastavljenog pred sudom,		ko
e) prijedlog za vraćanje testamenta koji se nalazi na		200
čuvanju u sudu,		.00
f) vraćanje testamenta koji se zamjenjuje.		0,0
Tarifni broj 10.		0
(pristojba za prijedlog i odluku u postupku diobe		do
zajedničke imovine)		500
Za prijedlog i odluku da se provede dioba		.00
zajedničke imovine pristojba se plaća prema		0,0
vrijednosti imovine i to:		0
a) do 5.000,00 KM - 50,00 KM,		KM
b) preko 5.000,00 KM do 20.000,00 KM		- 500,00 KM,
- 100,00 KM,		g)
c)		pre
		ko
		0
		20.0
		00,0
		0
		KM
		do
		- 500,00 KM + 1% na razliku iznad
		500.000,00 KM ali ne više od 5.000,00 KM.
		0
		00,0
		0
		KM
- 150,00 KM,		Tarifni broj 11.
d)		(pristojba za prijedlog za uređenje međe)
		Za prijedlog za uređenje međe plaća se
		pristojba u iznosu od 100,00 KM.
		Tarifni broj 12.
		(pristojba za ovjeru potpisa,
		rukopisa, prijepisa i prevoda)

(1) Za podnesak kojim se traži ovjera potpisa, rukopisa, prijepisa i prevoda plaća se pristojba u iznosu od 10,00 KM.

(2) Za ovjeru prepisa plaća se pristojba - za prvi polutabak 10,00 KM, a za svaki slijedeći polutabak iznos od 5,00 KM.

(3) Za ovjeru rukopisa plaća se pristojba za prvi polutabak 10,00 KM, a za svaki slijedeći novi polutabak iznos od 5,00 KM.

(4) Za ovjeru potpisa sudskog tumača na prijevodima plaća se pristojba u iznosu od 10,00 KM.

(5) Za ovjeru potpisa na punomoći plaća se pristojba u iznosu od 10,00 KM,

(6) U postupku prodaje stanova po Zakonu o prodaji stanova na kojima postoji stanarsko pravo, plaća se pristojba za ovjeru potpisa na ugovoru u iznosu od 10,00 KM a za upis u knjigu položenih ugovora 20,00 KM, dok se za ovjeru potpisa na ostalim ugovorima plaća pristojba u iznosu od 50,00 KM,

(7) Za podnesak, odnosno ovjeru produženja roka važenja ugovora plaća se 50% od iznosa pristojbe iz stavka (6) ovog tarifnog broja.

(8) Potpis na ispravi koju izdaju državni organi, potpisi ovlaštenih lica za predstavljanje firme ili pravnog lica smatraju se kao jedan potpis, ako su propisima ili pravilima za potpisivanje ovlaštena dva ili više lica.

(9) Za podnesak kojim se traži ovjera potpisa (rukoznaka) na ispravi plaća se jedna pristojba, bez obzira koliko se potpisa (rukoznaka) na ispravi ovjerava.

(10) Za ovjeru potpisa (rukoznaka) i pečata, plaća se jedna pristojba.

(11) Ako se jednim podneskom traži ovjera potpisa (rukoznaka) na više isprava plaća se pristojba na podnesak.

(12) Pod polutabakom podrazumijeva se list hartije od dvije strane formata A-4. Započeti polutabak računa se kao cijeli. Kada je vrijednost ugovora procjenjiva, ali nije u ugovoru označena, za ovjeru potpisa na ugovoru plaća se dvostruka pristojba iz stavka (6) ovog tarifnog broja.

(13) Za ovjeru potpisa na punomoćju, odnosno ugovoru plaća se jedna pristojba, bez obzira da li se ovjerava jedan ili više potpisa.

DIO TREĆI. ZEMLJIŠNO-KNJIŽNI POSTUPAK

Tarifni broj 13.

(pristojba za podneske)

Za podnesak kojim se traži upis prava vlasništva, upis ili brisanje uknjižbe, zabilježbe ili predbilježbe kao i upis prava upravljanja ili prava korištenja na nekretninama, plaća se pristojba u iznosu od 30,00 KM.

Tarifni broj 14.

(pristojba za upise podataka)

(1) Sudsku pristojbu snosi lice u čiju korist se vrši uknjižba, osim ako ugovorne strane ne utvrde drugačije.

(2) Visina pristojbe određuje se prema vrsti i vrijednosti predmeta pravnog posla, kako slijedi:

a) uknjižba vlasništva - 0.1%,

b) uknjižba hipoteke, zemljišnog duga ili doživotnog prava uživanja, trajnog prava korištenja, stvarnih služnosti i tereta, pravo dugoročnog najma i zakupa, prava preče kupovine i realnih tereta 0.1%

c) uknjižba hipoteke za odobravanje kredita za privrednu djelatnost 0.1%,

d) minimalni iznos sudske pristojbe za uknjižbu - 50,00 KM,

e) maksimalni iznos sudske pristojbe za uknjižbu - 50.000,00 KM,

f) uknjižba predbilježbe ili zabilježbe naplaćuje se paušalno - 50,00 KM.

Tarifni broj 15.

(pristojbe za prijepise i izvatke)

(1) Za prijepise i izvatke plaća se slijedeća pristojba:

a) za izdavanje neovjerenog prijepisa ili izvatka - 5,00 KM,

b) za izdavanje ovjerenog prijepisa ili službenog izvatka - 10,00 KM,

c) za izdavanje uvjerenja i potvrda - 5,00 KM.

(2) Za dopune i potvrde prijepisa i izvadata naplaćuje se ista pristojba kao i za njihovo izdavanje.

Tarifni broj 16.

(pristojba za žalbu ili prigovor)

Za žalbu ili prigovor protiv rješenja u zemljišno-knjižnim postupcima plaća se pristojba u iznosu od 50,00 KM.

DIO ČETVRTI. PRISTOJBE U POSTUPKU STEČAJA I LIKVIDACIJE

Tarifni broj 17.

(pristojbe za podneske)

(1) Za prijedlog da se otvori postupak stečaja ili likvidacije, plaća se pristojba u iznosu od 100,00 KM.

(2) Za prijavu povjerilaca u postupku stečaja ili likvidacije, plaća se pristojba u iznosu od 1% od vrijednosti potraživanja, s tim da ne može biti manja od 50,00 KM niti veća od 10.000,00 KM.

(3) Za žalbu protiv odluke o stečajnom ili likvidacijskom postupku plaća se pristojba u iznosu od 1% od vrijednosti potraživanja, s tim da ne može biti manja od 100,00 KM niti veća od 10.000,00 KM.

(4) Kao osnov za plaćanje pristojbe na prijave povjerilaca uzima se iznos potraživanja koji povjerilac

prijavljuje. Pri tome će se uzimati da uslovljena tražbina nije uslovljena. Ako jedan povjerilac prijavi više potraživanja pristojba se plaća na ukupan iznos tih potraživanja.

Tarifni broj 18.

(pristojba u stečajnom postupku)

(1) U stečajnom postupku, od zbira iznosa koji su upotrijebljeni ili stoje na raspolaganju za podmirenje dugova stečajne mase, plaća se pristojba u iznosu od 100,00 KM do 1.000,00 KM, u zavisnosti od složenosti postupka.

(2) Pristojbu u stečajnom postupku određuje sud po okončanju postupka, a dužan je platiti stečajni upravnik iz stečajne mase nakon pravosnažnosti rješenja o glavnoj ili naknadnoj diobi.

PETI DIO. UPIS U SUDSKI REGISTAR

Tarifni broj 19.

(pristojba za podneske)

(1) Za prijavu u sudski registar plaća se pristojba u iznosu od 50,00 KM.

(2) Ako se jednom prijavom traži više upisa za isto pravno lice, plaća se samo jedna pristojba iz ovog tarifnog broja.

Tarifni broj 20.

(pristojba za upise u sudski registar)

(1) Za rješenje o upisu osnivanja privrednog društva plaća se pristojba u iznosu od 400,00 KM.

(2) Za rješenje o upisu osnivanja dijelova privrednog društva, plaća se pristojba u iznosu od 200,00 KM.

(3) Za rješenje o upisu osnivanja drugih pravnih lica koji nisu navedeni u stavku (1) i (2) ovog tarifnog broja plaća se pristojba u iznosu od 300,00 KM.

(4) Za rješenje o upisu lica ovlaštenog za zastupanje pravnog lica plaća se pristojba u iznosu od 150,00 KM.

(5) Za rješenje o upisu prava vršenja spoljnotrgovinskog prometa plaća se pristojba u iznosu od 300,00 KM, pored iznosa iz stavka 1 ovog tarifnog broja.

(6) Za rješenje o upisima koji nisu obuhvaćeni prethodnim stavcima ovog tarifnog broja plaća se pristojba u iznosu od 150,00 KM po jednom upisu.

(7) Za zahtjev za brisanje upisa iz sudskog registra plaća se pristojba u iznosu od 100,00 KM.

(8) Za rješenje po zahtjevu za brisanje upisa, plaća se pristojba u iznosu od 100,00 KM.

(9) Kada se više privrednih društava spajaju u jedno, pored pristojbe za podnesak plaća se i pristojba

iz stavka (6) ovog tarifnog broja, kao i pristojba za upis novoosnovanog privrednog društva.

(10) Ako se jednim podneskom traži više upisa, plaća se pristojba za svaki upis posebno.

(11) Za žalbu na rješenje doneseno u postupku upisa u sudski registar plaća se pristojba u iznosu od 200,00 KM.

Tarifni broj 21.

(pristojba za objavljivanje upisanih podataka)

(1) Za dostavljanje upisanih podataka radi objavljivanja u službenom glasniku plaća se pristojba u iznosu od 50,00 KM.

(2) Za objavljivanje podataka čije je upisivanje traženo jednim podneskom, plaća se samo jedna pristojba iz ovog tarifnog broja.

DIO ŠESTI. UPRAVNI SPOR I POSTUPAK ZA SUDSKU ZAŠTITU

Tarifni broj 22.

(pristojba za tužbu u upravnim sporovima)

(1) Za tužbu protiv upravnog akta plaća se pristojba u iznosu od 100,00 KM.

(2) Za tužbu u sporovima iz zdravstvenog, mirovinskog i invalidskog osiguranja, dječjeg dodatka, starateljstva, usvojenja i socijalne pomoći plaća se pristojba u iznosu od 20,00 KM.

(3) Za tužbu za ponavljanje postupka plaća se pristojba u iznosu od 100,00 KM.

(4) Za zahtjev za vanredno preispitivanje sudske odluke u upravnom sporu plaća se pristojba u dvostrukom iznosu od pristojbe iz stavaka (1) i (2) ovog tarifnog broja.

(5) Ako je uz tužbu protiv upravnog akta stavljen i zahtjev za odlaganje od izvršenja upravnog akta, plaća se pristojba u iznosu od 150,00 KM.

Tarifni broj 23.

(pristojba za odluke)

Za presudu u postupku u upravnom sporu plaća se:

a) kada je predmet spora procjenjiv - 1% od vrijednosti spornog predmeta, s tim da ne može biti manja od 100,00 KM ni veća od 5.000,00 KM;

b) kada je predmet spora neprocjenjiv – 100,00 KM;

c) kada se radi o sporovima iz zdravstvenog, mirovinskog i invalidskog osiguranja, starateljstva, dječjeg dodatka, usvajanja i socijalne pomoći pristojba za presudu plaća se u iznosu od 20,00 KM;

d) ako je predmet spora djelimično procjenjiv, pristojba se plaća kao da je predmet procjenjiv.

DIO SEDMI. POSEBNI SLUČAJEVI

Tarifni broj 24.

(pristojba za sudska uvjerenja i potvrde)

(1) Za podnesak kojim se traži izdavanje uvjerenja plaća se pristojba u iznosu od 5,00 KM.

(2) Za izdano uvjerenje se plaća pristojba u iznosu od 10,00 KM.

(3) Za potvrdu o pravomoćnosti ili izvršnosti koja se stavlja na sudski otpravak plaća se pristojba u iznosu od 5,00 KM.

(4) Ako se jednim uvjerenjem potvrđuje više činjenica, plaća se jedna pristojba.

(5) Plaćanju pristojbe iz stavka (1) ovog tarifnog broja podliježu i elektronski podnesci kao i svaki naknadni podnesak kojim se dopunjava ili mijenja prvobitni podnesak.

Tarifni broj 25.

(pristojba za punomoć)

(1) Za izdavanje usmene punomoći pred sudom, za usmeno opozivanje ili otkaz punomoći pred sudom plaća se pristojba u iznosu od 10,00 KM.

(2) Za sudsku obavijest o opozivu ili otkazu punomoći plaća se pristojba u iznosu od 5,00 KM.

(3) Ako više lica ovlaštenih za potpisivanje pravnog lica izdaju punomoć jednom zastupniku, plaća se pristojba za jednu punomoć.

(4) Za izdavanje usmene punomoći po stavku (1) ovog tarifnog broja, plaća se jedna pristojba i kad više lica istovremeno izdaju punomoć jednom ili većem broju lica.

Tarifni broj 26.

(pristojba za razmatranje spisa)

Za pismeni podnesak za razmatranje završenih sudskih spisa plaća se pristojba u iznosu od 5,00 KM.

Tarifni broj 27.

(pristojbe za prijepise)

(1) Za pismeni ili usmeni zahtjev da se izvrši prepisivanje sudskog akta, plaća se pristojba u iznosu od 5,00 KM.

(2) Za prepisivanje sudskih akata kao i za prepisivanje akata iz zbirke isprava koje je sud izvršio na zahtjev stranke, plaća se od svake započete stranice originala pristojba u iznosu od po 5,00 KM.

(3) Za izdavanje prijepisa raspravnog zapisnika plaća se polovina pristojbe iz stavka (1) ovog tarifnog broja.

(4) Za izdavanje transkripta audio zapisa plaća se pristojba od 2,00 KM po stranici. Kao cijela stranica smatra se svaka započeta stranica teksta u standardnom formatu.

(5) Za izdavanje audio zapisa na CD-u plaća se pristojba u iznosu od 5,00 KM.

(6) Ako se istovremeno sudski prijepis ovjerava plaća se posebna pristojba za ovjeravanje u iznosu od 5,00 KM.

(7) Za prijepis raspravnog zapisnika koji je izrađen istovremeno sa sastavljanjem originala plaća se polovina pristojbe iz stavka (1) ovog tarifnog broja.

(8) Pod prepisom se ne podrazumijevaju: fotokopija ili kopija, koja je preslikani original ili matrica, uključujući uvećanje i umanjenje, mehaničkim ili elektronskim presnimavanjem, hemijskom reprodukcijom ili nekom drugom ekvivalentnom tehnikom kojom se precizno reprodukuje original.

Tarifni broj 28.

(pristojba za izvode iz sudskog registra i drugih javnih knjiga)

(1) Za izvode iz sudskog registra ili drugih javnih knjiga koje vodi sud, ako se izdaju na zahtjev stranke, plaća se pristojba u iznosu od 10,00 KM po stranici.

(2) Kada je izvod sastavila sama stranka i podnijela ga sudu na potvrdu plaća se polovina pristojbe iz ovog tarifnog broja.

Tarifni broj 29.

(pristojba za sudski depozit)

(1) Za čuvanje (depozit) novca, stvari i papira od vrijednosti na zahtjev stranke, plaća se godišnje 1% vrijednosti, s tim da iznos pristojbe ne može biti manji od 100,00 KM.

(2) Pristojba se plaća za svaku godinu unaprijed, a započeta godina računa se kao cijela.

(3) Ako se vrijednost stvari ne može procijeniti po njihovoj prirodi, izvršit će se procjena od strane vještaka o trošku deponenta.

Tarifni broj 30.

(pristojba za protest isprava)

(1) Za molbu za protest mjenice, čeka i drugih isprava ili ugovora zbog neakceptiranja, neisplate ili neispunjenja, plaća se pristojba u iznosu od 5,00 KM.

(2) Za protest isprave se plaća pristojba prema vrijednosti, i to:

- | | |
|--------------------------------|-------------|
| a) do 50,00 KM | - 5,00KM, |
| b) preko 50,00 KM do 500,00 KM | - 25,00 KM, |
| c) preko 500,00 KM | - 50,00 KM. |

(3) Ako se jednom molbom traži više protesta odnosno zamjena protesta, plaća se jedna pristojba za molbu, ali se u tom slučaju plaća posebna pristojba za svaki protest, odnosno zamjenu protesta.

Tarifni broj 31.

(pristojba za ostale upise)

Za podnesak koji stranka usmeno daje na zapisnik pred sudom plaća se pristojba predviđena u ovoj Tarifi za odnosni podnesak.

Tarifni broj 32.

(pristojba za postupke pred arbitražom)

(1) Za prijedlog stranke da sud postavi arbitra ili predsjednika arbitraže plaća se pristojba u iznosu od 25,00 KM.

(2) Za prijedlog o izuzeću arbitra plaća se pristojba u iznosu od 50,00 KM.

(3) Za sastavljanje potvrde o pravomoćnosti i izvršnosti presude arbitraže plaća se pristojba u iznosu od 25,00 KM.

Tarifni broj 33.

(pristojba za zahtjev za izuzeće)

Za zahtjev za izuzeće plaća se pristojba u iznosu od 30,00 KM

